

孤
本

孝經貫註

伍

廣陵書社

明·瞿罕著

(明)瞿 罕 撰

孝經貫注
第五

廣陵書社

中國·揚州

孝經貫註卷之十六下

皇明

江漢

臣瞿罕貫註

知宜興縣事臣石確增刪

故雖天子必有尊也言有父也

故字承上文言事父而因言尊父也君王雖是至尊又有尊於君王者蓋因君王有父之故故下一雖字孟子云爲天子父尊之至也是也天子卽所謂明王也自人君父天母地爲天子之子則曰天子自天下稱其聰明睿知明物察倫則曰明王也尊

者高不可及之謂須照上天字看至尊莫如天人
子事父如事天是見得父卓然之身如在天際父
熒然之品如似琅霄其智如天之崇其德如天之
峻其道如天之不可企及是不以父視父而以天
視父故謂之尊也祭義云孝有三大孝尊親孟子
曰孝子之至莫大乎尊親是也其曰必有尊者見
三代以來雖皆世統相傳然亦有起自側陋者如
舜之父瞽瞍瞍之父橋牛橋牛之父句望句望之
父敬康敬康之父窮蟬湯之父主癸主癸之父主

壬壬之父報丙何曾尊顯史或言其微耳當時
尊號尊謚典禮未創故孟子稱瞽瞍雖曰爲天子
父尊之至也其實未加尊號則瞽瞍猶然微爲庶人
與湯武等耳自夫子言周公成武王之德追
王太王王季而後司馬氏作周紀亦云太子
發立是爲武王追尊古公爲太王公季爲王季則
是追尊之典實自周始今孝經上云明王事父孝
此云天子必有尊豈卽指武王乎追尊之典旣自
周始則後世以王斷無身爲天子父爲匹夫者故

夫子特下一必有字見子有天下尊歸於父父在則必有尊號以顯其親父沒亦必有尊謚以崇其親也

是故武王之爲天子也有尊謚焉有父曰西伯尊謚爲文矣其後成王以天子而尊父曰武王康王以天子而尊父曰成王昭王以天子而尊父曰康王穆王以天子而尊父曰昭王恭王以天子而尊父曰穆王懿王以天子而尊父曰共王夷王以天子而尊父曰孝王厲王以天子而尊父曰夷王幽

王以天子而尊父曰宣王莊王以天子而尊父曰
桓王釐王以天子而尊父曰莊王惠王以天子而
尊父曰釐王襄王以天子而尊父曰惠王頃王以
天子而尊父曰襄王匡王以天子而尊父曰頃王
簡王以天子而尊父曰定王靈王以天子而尊父
曰簡王景王以天子而尊父曰靈王悼王以天子
而尊父曰景王元王以天子而尊父曰敬王貞定
王以天子而尊父曰元王哀王以天子而尊父曰
貞定王威烈王以天子而尊父曰考王安王以天

子而尊父曰威烈王烈王以天子而尊父曰安王
愼靚王以天子而尊父曰顯王赧王以天子而尊
父曰愼靚王蓋生爲天子已是至尊於其崩也更
加尊謚繇周觀之信乎其必有尊矣

秦始皇之爲天子也有追尊焉有父曰昭襄王且
追尊爲太上皇矣

史記

其後謂死而以行爲謚則是

以子議父故際謚法終二世之世雖不以謚追尊
其父然旣已追尊爲太上皇則雖以遷母之子亦
猶然其必有尊矣

漢高帝之爲天子也有尊焉有父曰太公尊爲太上皇矣其後惠帝以天子而尊父曰高少帝以天子而尊父曰孝惠景帝以天子而尊父曰孝文帝以天子而尊父曰孝景昭帝以天子而尊父曰孝武元帝以天子而尊父曰孝宣成帝以天子而尊父曰孝元蓋生爲天子已是至尊於其崩也更加尊謚雖以宣帝爲史皇孫之子哀帝爲定陶王之子平帝爲中山王之子然入繼之後各尊私親而史皇孫亦得尊謚曰悼皇矣定陶王亦得尊謚

日其皇矣獨平帝以九歲入繼王莽擅權未見有
追尊中山王耳以繇漢而觀信乎其必有尊哉

漢明帝之爲天子也有尊焉有父曰文叔尊謚爲
光武矣其後章帝以天子而尊父曰孝明和帝以
天子而尊父曰孝章順帝以天子而尊父曰孝安
後帝禪以天子而尊父曰昭烈蓋生爲天子已是
至尊於其崩也更加尊謚雖以安帝爲清河王之
子質帝爲渤海王之子桓帝爲蠡吾先侯之子靈
帝爲解渚亭侯之子然入繼之後各尊私親而清

河孝王亦得尊謚曰孝德皇矣蠡吾先侯亦得尊謚曰孝崇皇矣解渚亭侯亦得尊謚曰孝仁皇矣獨質帝以八歲入繼梁冀弑逆未見有追尊渤海耳則繇東漢季漢而觀信乎其必有尊哉

晉武帝之爲天子也有尊謚焉有父曰文王加尊爲文皇帝矣其後惠帝以天子而尊父曰武明帝以天子而尊父曰元成帝以天子而尊父曰明孝武帝以天子而尊父曰簡文安帝以天子而尊父曰孝武蓋生爲天子已是至尊於其崩也各加尊

謚雖以元帝爲瑯琊王之子入繼之後欲尊私親而亦詔瑯琊恭王宜稱皇考矣獨愍帝信索綝等稱引魏制不顧私親故雖有梁芬之請亦僅追尊吳王晏爲太保耳

晉禮志

則繇西晉東晉而觀信乎

其必有尊哉

隋文帝之爲天子也有尊謚焉有父曰桓公忠更追尊爲武元帝矣其後煬帝以天子而尊父曰文蓋生爲天子已是至尊於其崩也更加尊謚則繇隋而觀信乎其必有尊哉

唐高祖之爲天子也有尊謚焉有父曰仁公更追尊爲元皇帝廟號世祖矣其後太宗以天子而尊父曰太武高宗以天子而尊父曰文又加尊曰文武聖皇帝中宗以天子而尊父曰天皇大聖玄宗以天子而尊父曰大聖真皇帝又加尊曰玄真大聖大興孝皇帝肅宗以天子而尊父曰至道大聖大明孝皇帝代宗以天子而尊父曰文明武德大宣孝皇帝德宗以天子而尊父曰睿文孝武皇帝順宗以天子而尊父曰神武聖文皇帝憲宗以天

子而尊父曰至德大聖大安孝皇帝穆宗以天子而尊父曰聖神章武孝皇帝敬宗以天子而尊父曰睿聖文惠孝皇帝懿宗以天子而尊父曰元聖至明成武獻文睿智章仁神聰懿道大孝皇帝僖宗以天子而尊父曰昭聖恭惠孝皇帝哀宗以天子而尊父曰聖穆景文孝皇帝蓋生爲天子已是至尊於其崩也更加尊謚則繇唐而觀信乎其必有尊哉

宋太祖之爲天子也有尊謚焉有父曰宣祖更追

尊爲武昭皇帝矣其後眞宗以天子而尊父曰神
功聖德文武皇帝仁宗以天子而尊父曰文明章
聖元孝皇帝哲宗以天子而尊父曰神文聖武明
孝皇帝神宗以天子而尊父曰憲文肅武宣孝皇
帝哲宗以天子而尊父曰英文烈武聖孝皇帝欽
宗以天子而尊父曰教主道君太上皇帝高宗以
天子而尊父曰聖文神德顯孝皇帝孝宗以天子
而尊父曰聖神武文憲孝皇帝光宗以天子而尊
父曰壽皇聖帝又尊父曰哲文神武成孝皇帝寧

宗以天子而尊父曰憲仁聖哲慈孝皇帝理宗以
天子而尊父曰仁文哲武恭孝皇帝度宗以天子
而尊父曰烈文仁武安孝皇帝恭宗以天子而尊
父曰端文明武景孝皇帝蓋生爲天子已是至尊
於其崩也更加尊謚雖以英宗本濮安懿王之子
孝宗本安僖秀王之子理宗本榮王希璫之子然
入繼之後欲尊私親而希璫亦得追尊爲榮王矣
獨英宗之時太后雖欲尊濮王爲皇而帝尚謙讓
但稱爲親孝宗之先高宗已追封僞爲秀王而帝

又篤孝不忍私親故未見其追尊秀王耳則繇夫
而觀信乎其必有尊哉

我

皇明太祖之爲天子也有尊謚焉有父曰五四公

謚法
通考

尊謚爲

淳皇帝廟號

仁祖矣其後

太宗以天子而尊

父皇曰

聖神文武欽明啓運峻德成功統天大

孝高皇帝廟號

太祖

仁宗以天子而尊

父皇曰

體天弘道高明廣運聖武神功純仁至